



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Ger

85

70.5.1.3

WIDENER LIBRARY




HX 16NF 9


Harvard College.
1863.


37.1309

For 85.70.5.1.3



DA- 51





SCRIPTORES RERUM
GERMANICARUM

IN USUM SCHOLARUM

EX MONUMENTIS GERMANIAE
HISTORICIS RECUDI FECIT

GEORGIUS HEINRICUS PERTZ

SERENISSIMO BORUSSIAE REGI A CONSILIIS REGIMINIS INTIMIS
BIBLIOTHECAE REGIAE BEROLINENSI PRAEFECTUS.

EINHARDI VITA KAROLI MAGNI.
EDITIO TERTIA.

HANNOVERAE,
IMPENSIS BIBLIOPOLII HAHNIANI
1863.

Eginhardus, or Einhardus.

EINHARDI VITA KAROLI MAGNI.

IN USUM SCHOLARUM

EX MONUMENTIS GERMANIAE
HISTORICIS RECUDI FECIT

GEORGIUS HEINRICUS PERTZ

SERENISSIMO BORUSSIAE REGI A CONSILIIS REGIMINIS INTIMIS
BIBLIOTHECAE REGIAE BEROLINENSIS PRAEFECTUS.



EDITIO TERTIA. ACCEDIT IMAGO KAROLI REGIS.

̄ HANNOVERAE,
IMPENSIS BIBLIOPOLII HAHNIANI
1863.

~~13574.12~~

Ger 85.70.5.1.3

1874, Nov. 12.
Kinot Farnet.

VITA AUCTORIS

EX MONUMENTIS GERMANIAE HISTORICIS

T. II. pagg. 426—431 et pag. 442.

Nullus heroum qui medio aevo eminuerunt Karoli imperatoris, historicorum nullus Einhardi famam aequavit. Uterque gente et indole Germanus; et hic quidem — ut recentiores, fallaci tamen coniectura ducti, tradunt, e regione sylvae Ottonianae pago Moingowe in Francia orientali oriundus, — sub finem regni Pippini aut primis Karoli annis natus est. Cuius in aulam mox ut intravit, ab eo enutritus, atque postea et regni administrandi, et litterarii quo rex maxime delectabatur otii particeps effectus, talem se praebeuit, ut perpetua regi et liberis eius amicitia, post mortem quoque duratura, devinciretur. Una cum rege Alcuini discipulus, arithmeticae gnarus ab ipso praedicatur. Puella nobilissima, Imma, quam regis filiam fuisse posterius voluerunt, in matrimonium ducta, Vussinum ex ea filium suscepit. Summo igitur loco habitus, beneficiisque auctus, inter cetera abbatias S. Bavonis et Blundiniensem Gandavenses, immunitate iudiciaria donatas, accepit; quibus vel Karolo vel Hludowico imperante abbatiae S. Servatii Traiectensis, S. Chlodaldi, ecclesia S. Iohannis Ticinensis, et annis 816—823 abbatia Fontanellensis accesserunt. Anno 803 inter procures recensetur, quibus obsides Saxonici custodiendi commissi erant. Operum regalium exactor constitutus, maximae molis aedificia, pontem Moguntiacensem, palatia Ingelheimense et Aquense, et quam hodieque admiramur, basilicam Aquensem, simplicitate, soliditate et concinnitudine aeternam ingenii eius testem, etsi non inchoasse, perfecisse tamen credendus est¹.

1) In codice tamen saeculi noni exeuntis Caesareo Vindobonensi inter Theologos N. 354 signato fol. 55'. epitaphium Karoli usque feliciter rexit, et hanc alteram inscriptionem legi: „INFRA CAPELLA(M) SCRIPTUM. Insig(n)em hanc digni-

Imperatori domi militiaeque semper adhaesit, nec nisi semel, quum anno 806 legatus testamentum eius Leoni papae subscribendum porrigeret, ab eo discessisse videtur.

Anno 813 filius Karoli maioribus natu defunctis, praecipuus ei Hludowici in societatem imperii sibi adsciscendi auctor fuisse traditur. Proximis post obitum Karoli annis in grati et venerabundi animi signum vitam eius scribendam sibi proposuit, et ante annum 820 absolvit; anno enim sequenti 821 iam inter libros monasterii Sindleozes-Auva occurrit, et anno 830 vel 831 famam eius late patuisse, ex Lupi epistola ad Einhardum intelligimus. Conqueritur in praefatione de litterarum in aula honore iam iam imminuto, et quamvis apud Hludowicum imperatorem locum honoris pristinum retineret, tamen iam tum praesentiens se rebus imparem, quarum e medio amicus suus magnus discessisset, „otium quo aliquando perfrueretur, multimoda cogitatione meditari coepit“. Quam ob rem villas Michilinstat et Mulinheim in saltu Odamwald a populari frequentia valde remotas nactus, eas sibi et Immae uxori ab imperatore concedi rogavit. Qui petitioni non solum annuit, sed quum anno 817 Hlotharium regem constituisset, Einhardum potissimum qui „eius curam gereret, quique eum de moribus corrigendis et honestis atque utilibus sectandis sedulo commoneret,“ elegit. Unde et magna post inter utrumque necessitas remansit. Anno 818 Imma consentiente villam Michilinstat monasterio Laureshamensi contulit. Paucis postea annis cum uxore consilium iniit, ut fratris et sororis more in posterum viverent; quod tamen amoris imminuti signum non fuisse eo probatur, quod Imma in mariti domo usque ad obitum suum commorata est, rebusque eius omnibus ut solita erat praefuit. Einhardus vero presbyter consecratus, basilicam non indecori operis in praedio suo Mulinheim aedificavit, et anno talis aulam Karolus caesar magnus instituit, egregius Odo magister explevit; Metensi fatus in urbe quiescit.“

825 Radleicum notarium suum reliquias sanctorum arcessitum Romam misit. Quae vix aegre impetratae, annis 826 et 827 in monasterio illo Mulinheim, quod iam Seligenstadt audit, sunt reconditae.

Quum igitur inter doctos clarus et consiliariorum imperatoris cum Hildoino abbate S. Dionysii facile princeps, regni negotiis magna ex parte praeesset, et licet statura parvus, Magni Einhardi nomine ferretur, gravis sensim sensimque rerum palatarum commutatio intervenit. Karolo enim puero ex secundis imperatoris nuptiis nato, totum Iudithae et Hludowici studium in eo vertebatur, ut partem ei regni inter reliquos filios distributi vindicarent. In quo cum aliquantum temporis consumsissent, re publica magis magisque neglecta, omnia ita pessumdari coeperunt, ut Einhardus desiderio in praedia sua secedendi totus iam repleretur. Nec tamen abstinendum ratus, quin antea animum imperatoris tentaret, oblati ei anno 828 Gabrielis archangeli monitis, duodecim capitibus comprehensis, et quo facto opus esset indicavit, et seditionem nisi illud adimpleret exorturam praedixit. Imperator libello perlecto, alia fecit, alia neglexit. Biennio post quum imperatoris aula magis magisque in partes traheretur, et Iuditha Bernhardum, Septimaniae ducem, camerarium constitui impetrasset, e contra filiorum amici Hlotharium in subsidium vocarent, Einhardus apud discipulum quondam suum, ne se patri opponeret, diligentius institit. Interim Bernhardus auctoritate sua ita abusus est, ut adversae partis principes sibi extrema potius tentanda quam illum diutius tolerandum putarent; et initio anni 830, quum imperator in Britannica expeditione Compendium venisset, exercitu seducto, rebellionem concitarunt. Quo nuntio accepto, Einhardus, qui Iuditham Compendium sequi iussus, valde aegrotus usque Valentianas venerat, Gandavum nave recessit, et novo iam rerum ordine imminente, missionem

ab imperatore petiit. Qua impetrata, mense Martio Mulinheimum se recepit. Sed quum rem publicam factionibus quassatam in diversa ferri conspiceret, mense Aprili vel Maio Hlotharii imperatoris ex Italia reducis colloquium expetiit; et postea conventum illum magnum, in quo in totius regni statum inquirendum esset, adire sibi proposuit. Qui cum Kalendis Octobribus Noviomagi celebraretur, Hlotharius amicis intercedentibus patri reconciliatus est. Ubi et Einhardum nostrum fidelem operam dedisse, eo magis ut credamus inducimur, quod imperatorem aestate anni 836, quum unicum iam consilium de Hlothario sincere sibi uniendo agitaret, amicum suum vetulum Seligenstadi ultro visitasse legimus.

Reliquum vitae, religioni, litteris, amicis deditus, in maxima regni perturbatione per quietem egit. Nec auctoritate qua valebat pagensium et vicinorum rebus benigne consulere, nec apud amicos in palatio remanentes pro oppressis intercedere destitit. Ecclesiam Mulinheimensem, martyrum meritis iam longe lateque celebrem, adornavit et plumbo texit. Libris conscribendis non tantum, quantum olim inter regni negotia, tempus impendit. Annales quos de Pippini Karoli et Hludowici rebus in palatio constitutus ediderat, ultra annum 829 non producendos existimavit. Scripsit praeterea libros de historia translationis sanctorum Marcellini et Petri, et ad Lupum libellum de cruce adoranda. Epistolae eius quae supersunt, historiae auctoris et temporis illius illustrandae multum conducunt. Historiam Saxoniae, sive libellum de adventu moribus et superstitione Saxonum, et historiam translationis sancti Alexandri, ab Adamo Bremensi ei tributas, Rudolfo et Meginhardo Fulden-sibus deberi, alio loco diximus. Lambecius vero abbreviationem chronici ab Urbe condita usque ad annum 809 ei vindicare conatus, nullo plane fundamento nititur, nec meliori iure alii Einhardi cu-

iusdam psalterium, quod in bibliotheca Bobiensi recensetur, nostro adscripserint. Quae vero edidit, ita comparata sunt, ut praecipuum ei inter historicos locum adsignent. Scripsit enim summa integritate animi, non extera et aliena, sed tempus suum, sed amicum, nec docte tantum, sed ut is qui aetatem in re publica administranda consumsisset. Litteras Graecas aequae ac Romanas coluit, et ex antiquis non tantum historicos et poetas, mathematicos; grammaticos et rhetores, sed Patres etiam et sui aevi scriptores legit. Cumque temporis sui virorum prudentissimus et doctissimus haberetur, commercium eius a iuvenibus optimae indolis expetitum fuisse, facile nobis persuadebimus. Lupum, Ferrariensem postea abbatem, qui erudiendus in Germaniam missus fuerat, praecipuum cultorem habuit; cum Rhabano, Fuldensium tunc temporis abbate, quem propter doctrinae copiam et morum probitatem magnifici fecit, societate continua iunctus erat; cum eo bibliothecae suae catalogum communicaverat, ei libros commodavit, ei filium unicum Vussinum moribus et doctrina formandum et monachum erudiendum commisit. Immae etiam, dulcissimae sororis, contubernio per aliquot annos gavisus est; quam anni 836 initio defunctam adeo luxit, ut totum quod sibi superesset dierum, in moerore transigendum statueret. Illam meminisse, illam intimo corde amplecti, illius se apud Deum intercessionem commendare, unica viventis voluptas, unicum morientis solamen fuit; in haec vota animam Creatori reddere disposuerat. Obiit a. d. 8. Kal. Augusti, anno 844. Corpus in ecclesia Seligenstadensi sepultum, eique hoc a Rhabano epitaphium adscriptum est:

Te peto qui hoc templum ingrederis, ne noscera
spernas tnee

Quid locus hic habeat, quidque tenens mo.

Conditus ecce iacet tumulo vir nobilis isto,

Einhardus nomen cui genitor dederat.
 Ingenio hic prudens, probus actu atque ore
 facundus

Exstitit, ac multis arte fuit utilis.
 Quem Carolus princeps propria nutrit in aula,
 Per quem et confecit multa satis opera.
 Nam horum sanctorum condigno functus honore

Exquirens Romae corpora duxit et huc,
 Ut multis prosint precibus curaue medelae,
 Ipsiusque animae regna poli tribuant.
 Christe Deus, hominum salvator rector et auctor,

Aeternam huic requiem da super astra pius.
Fuerat Einhardus statura brevis, sed ardorem animi corporis agilitate exprimebat. Extat ea de re testimonium Theodulfi episcopi Aurelianensis, cuius „Nardulum“ Einardulum abbreviatum esse credo. Alcuino Beseleel audit, ab artifice, quem arcam foederis aedificasse legimus.

Talem virum, si historiam sui temporis scribendam sibi proponeret, opus rerum copia et dicendi ornatu eximium editurum fuisse, facile quisque intelligit. Amplissimam scribendi materiam ei suppetisse, ex supra allatis iisque quae de se ipso atque de epistolis (quas extare dicit) et legationibus ad imperatorem directis profitetur, patet; et veritatis non minus studiosum quam capacem in referendis claudibus Francorum et fama sinistra de Karoli filiabus ac coniurationibus propter immanem Fastradae crudelitatem exortis agnoscimus.

Ex operibus eius, quae modo extant, annales T. I. Monumentorum edidimus, epistolis et historia translationis SS. Marcellini et Petri in posterum repositis. Quibus tamen Vita Karoli apud aequales et apud posterum aevi homines palmam praeripuit; nam nec ullius per medium aevum historici, Paulo Diacono

et Martino Polono exceptis, tot codices extare, nec cuiusquam eorum scripta ita certatim ab omnibus qui saecula ea attigerunt, decerpta esse meminimus. Laudis eius partem Karolo, partem sibi Einhardus debet. Sane nec saeculis proxime antecedentibus nec sequentibus historicum inveneris, qui ea cogitationum vi, claritate sententiarum, eaque dicendi arte excellat. Debut id studio Romanorum, Ciceronis praecipue et Suetonii, quem in tantum cordi habuit, ut non solum operis dispositionem sed et integras haud raro sententias inde mutuatus esse videri possit. Primus ei ante oculos versabatur, quem Karolus factis quodammodo aequaverat, Octavianus Augustus, et Titus; sed nec Tiberium Claudiumve aspernatus est. Unde nonnulla operis loca, varie agitata, lucem accipiunt, e. g. quod cap. 4. dicit, se de nativitate et infantia vel etiam pueritia Karoli nec scriptis nec auditu aliquid percipere potuisse. Certe qualia Suetonius de Caesaribus nonnullis tradidit, talium de Karolo ex libris saltem hauriendorum facultas Einhardo non suppetebat; quam tamen ob causam recentiorum quidam acriter in eum inveci sunt, de Karolo anno 754 coronato sibi constare gloriati; quod nec Einhardum ignorasse, utinam ex annalibus eis discere voluissent! Ex Pauli Diaconi libello de episcopis Mettensibus paucas sententias in librum suum recepit. Ut autem nemo alios impune imitatur, ita Einhardum quoque uno alterove loco eius rei poenas dedisse, haud diffitear; nec omni annisu id effecit, ut antiqui plane sermonis compos fieret, quippe qui vel contra grammaticam aliquotiens peccaverit. De quo nulla amplius dubitatio locum habere potest, quum novam iam editionem sexaginta codicum ope instituerim, quorum maiorem partem in Germaniae, Italiae, Helvetiae, Belgii, Galliae, Britanniae bibliothecis ipsemet evolvi.

Einhardi libellus, mox ut prodit, ingenti omnium applausu exceptus, et ab historicis qui Karoli

tempora attingerent, saepissime defloratus est. Quorum numerus quum mediū aevi decursu semper auctus sit, hic antiquissimos tantum eorum et Einhardo coaetaneos, Enhardum Fuldensem qui opus suum circa annum 830 incepit, chronographum Fontanelensem, Theganum, Anonymum vitae Hludowici auctorem, nominasse sufficiat, quorum tres Karoli vitam exscripsisse, Theganum eam saltem imitatum esse, pro explorato habemus. Saeculo nono medio Rudolfus Fuldensis monachus in historia translationis S. Alexandri plurima inde mutuatus est; Arnulfo rege, poetam Saxonem vitam versibus expressisse, et saeculo duodecimo Radevicum in Friderico imperatore depingendo eam prae oculis habuisse, iam antea viri docti monuerant.

Alteri libelli eximii editioni subiungere libet carmina nonnulla historiam Karoli Magni illustrantia. Quorum quidem primum de victoria Pippini Avarica anni 796, nunquam antea editum ex codice bibliothecae Regiae Berolinensis circa annum 800 exarato propono. Paulini versus in obitum Erci ducis Foroiulani a. 799 prope Tarsaticam occisi ope codicum Bernensis et Parisiensis emendavi; Planctus Karoli ex codicibus Veronensi, Parisiensi et Bruxellensi iterum prodit; carmen de Sancto Karolo, eius canonisatione posterius, a Boehmero nostro ex codice Francofurtensi transcriptum sistitur.

Tertiae editioni imaginem Karoli regis praefixi, qualem chartae pro monasterio sancti Dionysii editae impressam in tabulario publico Parisiensi anno 1827 vidi atque pictori optimo b. m. Mauritio Rugendas delineandam tradidi

Dabam Berolini in Bibliotheca Regia Kalendis Novembris a. 1862.

Vitam et conversationem, et ex parte non modica res gestas domni et nutritoris mei Karoli, excellentissimi et merito famosissimi regis, postquam scribere animus tulit, quanta potui brevitate complexus sum; operam impendens, ut de his quae ad meam notitiam pervenire potuerunt, nihil omitterem, neque prolixitate narrandi nova quaeque fastidientium animos offenderem; si tamen hoc ullo modo vitari potest, ut nova scriptione non offendantur, qui vetera et a viris doctissimis atque disertissimis confecta monimenta fastidiunt. Et quamquam plures esse non ambigam, qui otio ac litteris dediti, statum aevi praesentis non arbitrentur ita negligendum, ut omnia penitus quae nunc fiunt, velut nulla memoria digna, silentio atque oblivione tradantur, potiusque velint, amore diuturnitatis illecti, aliorum praeclara facta qualibuscunque scriptis inserere, quam sui nominis famam posteritatis memoriae nihil scribendo subtrahere, tamen ab huiusmodi scriptione non existimavi temperandum, quando mihi conscius eram, nullum ea veracius quam me scribere posse, quibus ipse interfui, quaeque praesens oculata, ut dicunt, fide cognovi, et utrum ab alio scriberentur necne, liquido scire non potui. Satiisque iudicavi eadem cum aliis velut communiter litteris mandata memoriae posterorum tradere, quam regis excellentissimi, et omnium suae aetate maximi, clarissimam vitam et egregios atque moderni temporis hominibus vix imitabiles actus pati oblivionis tenebris aboleri. Suberat et alia non irrationabilis, ut opinor, causa, quae vel sola sufficere posset, ut me ad haec scribenda compelleret, nutrimentum videlicet in me impensum, et

perpetua, postquam in aula eius conversari coepi, cum ipso ac liberis eius amicitia; qua me ita sibi devinxit, debitoremque tam vivo quam mortuo constituit, ut merito ingratus videri et iudicari possem, si tot beneficiorum in me collatorum immemor, clarissima et illustrissima hominis optime de me meriti gesta silentio praeterirem, patererque vitam eius, quasi qui nunquam vixerit, sine litteris ac debita laude manere. Cui scribendae atque explicandae non meum ingenium, quod exile et parvum, immo paene nullum est, sed Tullianam par erat desudare facundiam. En tibi librum, praeclarissimi et maximi viri memoriam continentem, in quo praeter illius facta non est quod admireris, nisi forte, quod homo barbarus¹ et in Romana locutione perparum exercitatus, aliquid me decenter aut commodè latine scribere posse putaverim, atque in tantam impudentiam proruperim, ut illud Ciceronis putarem contemnendum, quod in primo Tusculanarum libro², cum de Latinis scriptoribus loqueretur, ita dixisse legitur: *Mandare quemquam, inquit, litteris cogitationes suas, qui eas nec disponere nec illustrare possit, nec delectatione aliqua allicere lectorem, hominis est intemperanter abutentis et otio et litteris*. Poterat quidem haec oratoris egregii sententia me a scribendo deterrere, nisi animo praemeditatum haberem, hominum iudicia potius experiri, et scribendo ingenioli mei periculum facere, quam tanti viri memoriam, mihi parcendo, praeterire.

VITA KAROLI IMPERATORIS.

Gens³ Merovingorum, de qua Franci reges sibi creare soliti erant, usque in Hildericum regem, qui

1) i. e. Germanus; cf. Suetonii Caligul. c. 47.

2) cap. 3.

3) cf. Suetonii Augustum c. 1.

iussu Stephani⁴, Romani pontificis, depositus ac detonsus, atque in monasterium trusus est, durasse putatur. Quae licet in illo finita possit videri, tamen iam dudum nullius vigoris erat, nec quicquam in se clarum praeter inane regis vocabulum praeferebat; nam et opes et potentia regni penes palatii praefectos, qui maiores domus dicebantur, et ad quos summa imperii pertinebat, tenebantur; neque regi aliud relinquebatur, quam ut regio tantum nomine contentus, crine profuso, barba summissa, solio resideret, ac speciem dominantis effingeret, legatos undecunque venientes audiret, eisque abeuntibus responsa quae erat edoctus vel etiam iussus, ex sua velut potestate redderet; cum praeter inutile regis nomen et precarium vitae stipendium, quod ei praefectus aulae, prout videbatur, exhibebat, nihil aliud proprii possideret, quam unam et eam parvi redditus villam, in qua domum et ex qua famulos sibi necessaria ministrantes atque obsequium exhibentes paucae numerositatis habebat. Quocumque eundum erat, carpento ibat, quod bubus iunctis, et bubulco rustico more agente, trahebatur; sic ad palatium, sic ad publicum populi sui conventum, qui annuatim ob regni utilitatem celebrabatur, ire, sic domum redire solebat: ad⁵ regni amministrationem et omnia quae vel domi vel foris agenda ac disponenda erant, praefectus aulae procurabat.

2. Quo officio tum cum Hildericus deponebatur, Pippinus, pater Karoli regis, iam velut hereditario fungebatur. Nam pater eius Karolus, qui tyrannos per totam Franciam dominatum sibi vindicantes oppressit, et Sarracenos Galliam occupare

4) Zacharia mortuo, antequam iussu eius Pippinus coronaretur, Stephanus antecessoris sui mandatum confirmasse putandus est. Ita et auctor fragmenti Urstisiani (SS. T. II. p. 76.) nostrum intellexit. De secunda Pippini coronatione hic minime agitur. 5) i. e. at.

temptantes duobus magnis proeliis, uno in Aquitania apud Pictavium civitatem, altero iuxta Narbonam apud Birram fluvium, ita devicit, ut in Hispaniam eos redire compelleret, eundem magistratum, a patre Pippino sibi dimissum, egregie administravit; qui honor non aliis a populo dari consueverat, quam his qui et claritate generis et opum amplitudine ceteris eminebant.

Hunc cum Pippinus, pater Karoli regis, ab avo et patre sibi et fratri Karlomanno relictum, summa cum eo concordia divisum, aliquot annis velut sub rege memorato tenuisset, frater eius Karlomannus, incertum quibus de causis, tamen videtur quod amore conversationis contemplativae succensus, operosa temporalis regni amministratione relicta, Romam se in otium contulit, ibique habitu permutato monachus factus, in monte Soracte apud aeccliesiam beati Silvestri constructo monasterio, cum fratribus secum ad hoc venientibus per aliquot annos optata quiete perfruitur. Sed cum ex Francia multi nobilium ob vota solvenda Romam sollemniter commearent, et eum, velut dominum quondam suum, praeterire nollent, otium quo maxime delectabatur, crebra salutatione interrumpentes, locum mutare compellunt. Nam huiusmodi frequentiam cum suo proposito officere vidisset, relicto monte, in Samnium provinciam ad monasterium sancti Benedicti situm in castro Casino secessit, et ibi, quod reliquum erat temporalis vitae, religiose conversando complevit⁶.

3. Pippinus autem, per auctoritatem Romani pontificis ex praefecto palatii rex constitutus, cum per annos 15 aut eo amplius⁷ Francis solus imperaret, finito Aquitanico bello, quod contra Wai-

6) cf. Monum. T. I. annales a. 753—755. 7) Pippini regno a prima coronatione anno 752. computato, anni 16 et aliquot menses, a secunda et attensione filiorum Karlomanni

farium, ducem Aquitaniae, ab eo susceptum, per continuos novem annos gerebatur, apud Parisius morbo aquae intercutis⁸ diem obiit, superstitibus liberis Karlo et Karlomanno, ad quos successio regni divino nutu pervenerat. Franci siquidem, facto solemniter generali conventu ambos sibi reges constituunt, ea conditione praemissa, ut totum regni corpus ex aequo partirentur⁹, et Karolus eam partem quam pater eorum Pippinus tenuerat, Karlomannus vero eam cui patruus eorum Karlomannus praeerat, regendi gratia susciperet. Susceptae sunt utrinque conditiones, et pars regni divisi iuxta modum sibi propositum ab utroque recepta est. Mansitque ista, quamvis cum summa difficultate, concordia, multis ex parte Karlomanni societatem separare molientibus, adeo ut quidam eos etiam bello¹⁰ committere sint meditati. Sed in hoc plus suspecti¹¹ quam periculi fuisse, ipse rerum exitus approbavit, cum, defuncto Karlomanno¹², uxor eius et filii cum quibusdam qui ex optimatum eius numero primores erant, Italiam fuga petiit, et nullis existentibus causis, spreto mariti fratre, sub Desiderii, regis Langobardorum, patrocinium se cum liberis suis contulit. Et Karlomannus quidem post administratum communiter biennio¹³ regnum morbo decessit; Karolus autem, fratre defuncto, consensu omnium Francorum rex constituitur.

4. De cuius nativitate¹⁴ atque infanciam, vel etiam pueritiam, quia neque scriptis usquam aliquid

anno 754, anni 15 incompleti evadunt. 8) cf. Suet. Neron c. 5. 9) cf. Mon. SS. T. I. pag. 147. not. 41. 10) cf. ib. pag. 327, 1. 11) i. e. suspicionis. 12) Absona recentiorum commenta de Karlomanni obitus causa referre taedet.

13) Karlomannus annis completis 769 et 770, anni 768. parte inde a die 9. Octobris, et multo maiore a. 771, scilicet usque ad d. 4. Decembris, regnavit. 14) natus est anno 742: ex Einh. vita cap. 31, die 2. Aprilis ex Calendario Laurishamensi saeculi IX. (Mabill. de re diplom.

2 — declaratum est, neque quisquam modo superesse
 1 invenitur, qui horum se dicat habere notitiam, scri-
 bere ineptum iudicans, ad actus et mores ceteras-
 que vitae illius partes explicandas ac demonstnan-
 das, omissis incognitis, transire disposui, ita ta-
 men¹⁵, ut primo res gestas et domi et foris, de-
 inde mores et studia eius, tum de regni ammini-
 stratione et fine narrando, nihil de his quae cognitu
 vel digna vel necessaria sunt, praetermittam.

5. Omnium¹⁶ bellorum quae gessit, primo Aquitanicum, a patre inchoatum sed nondum fini-
 tum, quia cito peragi posse videbatur, fratre adhuc
 vivo, etiam et auxilium ferre rogato, suscepit; et
 licet eum frater promisso frustrasset auxilio, sus-
 ceptam expeditionem strenuissime exsecutus, non
 prius incepto desistere aut semel suscepto labori
 cedere voluit, quam hoc quod efficere moliebatur,
 perseverantia quadam ac iugitate perfecto fine
 concluderet. Nam et Hunoldum, qui post Waifarîi
 mortem Aquitaniam occupare bellumque iam pene
 peractum reparare temptaverat, Aquitaniam relin-
 quere et Wasconiam petere coegit. Quem tamen
 ibi consistere non sustinens, transmisso amne Ga-
 ronna, Lupo Wasconum duci per legatos mandat,
 ut perfugam reddat; quod ni festinato faciat, bello
 se eum expositurum. Sed Lupus, saniori usus
 consilio, non solum Hunoldum reddidit, sed etiam
 se ipsum cum provincia cui praeerat, eius potestati
 permisit.

6. Compositis in Aquitania rebus eoque bello
 finito, regni quoque sotio iam rebus humanis ex-
 empto, rogatu et precibus Adriani, Romanae urbis

suppl. c. 9.), Aquisgrani fortasse, ex Monacho Sangallensi
 l. II. c. 30, Ingelhemii auctore Godefrido Viterb. Partic.
 XVII. pag. 303. edit. Struv. *Pipinus moritur, consurgit Caro-
 lus acer, Natus in Ingelehein, cui Berta fit Ungara mater. (!)*
 15) cf. Suetonii August. c. 9. 16) ibid. c. 10.

episcopi, exoratus, bellum contra Langobardos suscepit. Quod prius quidem et a patre eius, Stephano papa supplicante, cum magna difficultate susceptum est, quia quidam e primoribus Francorum cum quibus consultare solebat, adeo voluntati eius renisi sunt, ut, se regem deserturos domumque redituros, libera voce proclamarent: susceptum est tamen tunc contra Haistulfum regem et celerrime completum. Sed licet sibi et patri belli suscipiendi similis ac potius eadem causa subesse videretur; haud simili tamen et labore certatum, et fine constat esse completum. Pippinus siquidem Haistulfum regem paucorum dierum obsidione apud Ticenum compulit et obsides dare et erepta Romanis oppida atque castella restituere, atque, ut reddita non repeterentur, sacramento fidem facere; Karolus vero post inchoatum a se bellum non prius destitit, quam et Desiderium regem, quem longa obsidione fatigaverat, in deditionem susceperet filium eius Adalgisum, in quem spes omnium inclinatae videbantur, non solum regno sed etiam Italia excedere compelleret, omnia Romanis erepta restitueret, Hruodgausum, Foroiuliani ducatus praefectum, res novas molientem obprimeret, totamque Italiam suae ditioni subiugaret, subactaeque filium suum Pippinum regem imposeret. Italiam intranti quam difficilis Alpium transitus fuerit, quantoque Francorum labore invia montium iuga et eminentes in coelum scopuli atque asperae cautes superatae sint, hoc loco describerem, nisi vitae illius modum potius quam bellorum quae gessit eventus memoriae mandare praesenti opere animo esset propositum. Finis tamen huius belli fuit subacta Italia, et rex Desiderius perpetuo exilio deportatus, et filius eius Adalgisus Italia pulsus, et res a Langobardorum regibus ereptae, Adriano, Romanae aecclesiae rectori, restitutae.

7. Post cuius finem Saxonicum, quod quasi intermissum videbatur, repetitum est; quo nullum neque prolixius neque atrocius Francorumque populo laboriosius susceptum est, quia Saxones, sicut omnes fere Germaniam incolentes nationes, et natura feroces, et cultui daemonum dediti, nostraeque religioni contrarii, neque divina neque humana iura vel polluere vel transgredi inhonestum arbitrabantur. Suberant et causae quae cotidie pacem conturbare poterant, termini videlicet nostri et illorum paene ubique in plano contigui, praeter pauca loca, in quibus vel silvae maiores, vel montium iuga interiecta utrorumque agros certo limite determinant, in quibus caedes et rapinae vel¹⁸ incendia vicissim fieri non cessabant; quibus adeo Franci sunt irritati, ut non iam vicissitudinem reddere, sed apertum contra eos bellum suscipere dignum iudicarent. Susceptum est igitur adversus eos bellum, quod magna utrimque animositate, tamen maiore Saxonum quam Francorum dampno, per continuos triginta tres annos gerebatur. Poterat siquidem citius finiri, si Saxonum hoc perfidia pateretur. Difficile dictu est, quoties superati ac supplices regi se dediderunt, imperata facturos polliciti sunt, obsides qui imperabantur absque dilatione dederunt, legatos qui mittebantur suscepunt, aliquoties ita domiti et emolliti, ut etiam cultum daemonum dimittere et christianae religioni se subdere velle promitterent: sed sicut ad haec facienda aliquoties proni, sic ad eadem pervertenda semper fuere praecipites, non sit ut satis aestimare, ad utrum horum faciliores verius dici possint, quippe cum post inchoatum cum eis bellum vix ullus annus exactus sit, quo non ab eis huiusmodi

18) *vel* a scriptoribus huius aevi eadem significatione qua *et* usurpatur.

facta sit permutatio. Sed magnanimitas regis, ac perpetua tam in adversis quam in prosperis mentis constantia, nulla eorum mutabilitate vel vinci poterat, vel ab his quae agere coeperat defatigari; nam nunquam eos huiusmodi aliquid perpetrantes inpune ferre passus est, quin aut ipse per se¹⁹ ductorem, aut per comites suos misso exercitu, perfidiam ulcisceretur et dignam ab eis exigeret poenam, usque dum, omnibus qui resistere solebant profligatis et in suam potestatem redactis, decem milia hominum ex his qui utrasque ripas Albis fluminis incolebant, cum uxoribus et parvulis sublato transtulit, et huc atque illuc per Galliam et Germaniam multimoda divisione distribuit. Eaque conditione a rege proposita et ab illis suscepta, tractum per tot annos bellum constat esse finitum, ut abiecto daemonum cultu et relictis patriis caerimoniis, christianae fidei atque religionis sacramenta susciperent, et Francis adunati, unus cum eis populus efficerentur.

8. Hoc bello, licet permultum temporis spatium traheretur, ipse non amplius cum hoste quam bis acie confligit, semel iuxta montem qui Osnengi dicitur, in loco Theotmelli nominato, et iterum aqua Hasa fluvium²⁰, et hoc uno mense paucisque interpositis diebus. His duobus proeliis hostes adeo profligati ac devicti sunt, ut ulterius regem neque provocare, neque venienti resistere, nisi aliqua loci munitione defensi, auderent. Plures tamen eo bello tam ex nobilitate Francorum quam Saxonum, et functi summis honoribus, viri consumpti sunt, tandemque anno tricesimo tertio²¹ finitum est, cum interim tot ac tanta in diversis terrarum partibus bella contra Francos et exorta sint et sollertia re-

19) Suet. Aug. c. 20. 20) prope Osnabrugam, in loco qui medio aevo Schlachtvörderberg, iam *die Clus* audit. 21) duraverat annis 772—804.

gis administrata, ut merito intuentibus in dubium venire possit, utrum in eo aut laborum patientiam, aut felicitatem potius mirari conveniat. Nam biennio ante Italicum hoc bellum sumpsit exordium, et cum sine intermissione gereretur, nihil tamen ex his quae alicubi erant gerenda dimissum, aut ulla in parte ab aequae operoso certamine cessatum est; nam rex, omnium qui sua aetate gentibus dominabantur, et prudentia maximus et animi magnitudine praestantissimus, nihil in his quae vel suscipienda erant vel exequenda, aut propter laborem detractavit aut propter periculum exhorruit, verum unumquodque secundum suam qualitatem et subire et ferre doctus, nec in adversis cedere, nec in prosperis false blandienti fortunae adsentiri solebat.

9. Cum enim assiduo ac paene continuo cum Saxonibus bello, certaretur, dispositis per congrua confinium loca praesidiis, Hispaniam quam maximo poterat belli apparatu adgreditur, saltuque Pyrinei superato, omnibus quae adierat oppidis atque castellis in deditionem acceptis, salvo et incolomi exercitu revertitur; praeter quod in ipso Pyrinei iugo Wasconiam perfidiam parumper in redeundo contigit experiri. Nam cum agmine longo, ut loci et angustiarum situs permittebat, porrectus iret exercitus, Wascones, in summi montis vertice positis insidiis — est enim locus ex opacitate silvarum, quarum ibi maxima est copia, insidiis ponendis opportunus — extremam impedimentorum partem, et eos, qui novissimi agminis incedentes, subsidio praecedentes tuebantur, desuper incursantes, in subiectam vallem deiciunt, consertoque cum eis proelio, usque ad unum omnes interficiunt, ac direptis impedimentis, noctis beneficio, quae iam instabat, protecti, summa cum celeritate in diversa disperguntur. Adiuwabat in hoc facto Wascones

et levitas armorum, et loci in quo res gerebatur situs; e contra Francos et armorum gravitas et loci iniquitas per omnia Wasconibus reddidit impares. In quo proelio Eggihardus regiae mensae praepositus, Anselmus comes palatii, et Hruodlandus Brittannici limitis praefectus, cum aliis compluribus interficiuntur. Neque hoc factum ad praesens vindicari poterat, quia hostis re perpetrata ita dispersus est, ut ne fama quidem remaneret, ubinam gentium quaeri potuisset.

10. Domuit²² et Brittones, qui ad occidentem in extrema quadam parte Galliae super litus oceani residentes, dicto audientes non erant; missa in eos expeditione, qua et obsides dare, et quae imperarentur se facturos polliceri, coacti sunt. Ipse postea cum exercitu Italiam ingressus ac per Romam iter agens, Capuam, Campaniae urbem, accessit, atque ibi positis castris, bellum Beneventanis, ni dederentur, comminatus est. Praevenit hoc dux gentis Aragisus, filios suos, Rumoldum et Grimoldum, cum magna pecunia obviam regi mittens, rogat, ut obsides filios suscipiat, seque cum gente imperata facturum pollicetur, praeter hoc solum, si ipse ad conspectum venire cogeretur. Rex, utilitate²³ gentis magis quam animi eius obstinatione considerata, et oblatos sibi obsides suscepit, eique, ut ad conspectum venire non cogeretur, pro magno munere concessit; unoque ex filiis, qui minor erat, obsidatus gratia retento, maiorem patri remisit, legatisque ob sacramenta fidelitatis a Beneventanis exigenda atque suscipienda cum²⁴ Aragiso dimissis, Romam redit; consumptisque ibi in sanctorum veneratione locorum aliquot diebus, in Galliam revertitur.

22) cf. Suet. Aug. c. 21. 23) i. e. virtute. 24) i. e. apud Aragisum; cf. Chron. Moissiac. a. 809. 812. Annal. Laurissenses a. 784. Gregorii Turon. hist. epit. c. 52.

11. Baioaricum deinde bellum et repente ortum, et celeri fine completum est. Quod superbia simul ac socordia Tassilonis ducis excitavit; qui hortatu uxoris, quæ filia Desiderii regis erat ac patris exilium per maritum ulcisci posse putabat, iuncto foedere cum Hunis, qui Baioariis sunt ab oriente contermini, non solum imperata non facere, sed bello regem provocare temptabat. Cuius contumaciam, quia nimia videbatur, animositas regis ferre nequiverat, ac proinde, copiis undique contractis Baioariam petiturus, ipse ad Lechum amnem cum magno venit exercitu. Is fluviu Baioarios ab Alamannis dividit. Cuius in ripa castris conlocatis, prius quam provinciam intraret, animum ducis per legatos statuit experiri. Sed nec ille pertinaciter agere vel sibi vel genti utile ratus, supplex se regi permisit, obsides qui imperabantur dedit, inter quos et filium suum Theodonem; data insuper fide cum iuramento, quod ab illius potestate ad defectionem nemini suadenti adsentire deberet. Sicque bello, quod quasi maximum futurum videbatur, celerrimus est finis impositus. Tassilo tamen postmodum ad regem evocatus, neque redire permisus; neque provincia quam tenebat, ulterius duci, sed comitibus ad regendum commissa est.

12. His motibus ita compositis, Sclavis qui nostra consuetudine Wilzi, proprie vero, id est sua locutione, Welatabi dicuntur, bellum inlatum est. In quo et Saxones, velut auxiliares, inter ceteras nationes quæ regis signa iussæ sequebantur, quamquam ficta et minus devota oboedientia, militabant. Causa belli erat, quod Abodritos, qui cum Francis olim foederati erant, assiduâ incursione lacescebant, nec iussionibus coerceri poterant. Sinus²⁵ quidam ab occidentali océano orientem versus porrigitur,

25) cf. Adami Bremensis hist. ecclesiasticam lib. II. cap. 9

longitudinis quidem inconspertae, latitudinis vero quae nusquam centum milia passuum excedat, cum in multis locis contractior inveniatur. Hunc multae circumsedent nationes, Dani siquidem ac Sueones, quos Nortmannos vocamus, et septentrionale litus et omnes in eo insulas tenent. At litus australe Sclavi et Aisti²⁶, et aliae diversae incolunt nationes; inter quos vel praecipui sunt, quibus tunc a rege bellum inferebatur, Welatabi. Quos ille una tantum, et quam per se gesserat, expeditione ita contudit ac domuit, ut ulterius imperata facere minime rennuendum iudicaret.

13. Maximum omnium quae ab illo gesta sunt bellorum, praeter Saxonicum, huic bello successit, illud videlicet, quod contra Avares vel Hunos susceptum est. Quod ille et animosius quam cetera, et longe maiori apparatu administravit. Unam tamen per se in Pannoniam — nam hanc provinciam ea gens tum incolebat — expeditionem fecit; cetera filio suo Pippino ac praefectis provinciarum, comitibus etiam atque legatis, perficienda commisit. Quod cum ab his strenuissime fuisset administratum, octavo tandem anno completum est. Quod²⁷ proelia in eo gesta, quantum sanguinis effusum sit, testatur vacua omni habitatore Pannonia, et locus in quo regia Kagani erat, ita desertus, ut nec vestigium quidem in eo humanae habitationis appareat. Tota in hoc bello Hunorum nobilitas periit, tota gloria decedit. Omnis pecunia et congesti ex longo tempore thesauri direpti sunt, neque ullum bellum contra Francos exortum humana potest memoria recordari, quo illi magis ditati et opibus aucti sint. Quippe

sqq. et de situ Daniae cap. 217 sqq. 26) a quibus Esthonia nomen accepit; Tacito in Germ. cap. 45. Aestyi adiunt; cf. Iordanem de rebus Geticis cap. 23. 27) i. e. quot.

cum usque in id temporis pene pauperes viderentur, tantum auri et argenti in regia repertum, tot spolia praetiosa in proeliis sublata, ut merito credi possit, hoc Francos Hunis iuste eripuisse, quod Huni prius aliis gentibus iniuste eripuerunt. Duo tantum ex proceribus Francorum eo bello perierunt, Aericus dux Foroiulanus, in Liburnia iuxta Tharsaticam, maritimam civitatem, insidiis oppidanorum intercoeptus, et Geroldus Baioariae praefectus, in Pannonia, cum contra Hunos proeliaturus aciem instrueret, incertum a quo, cum duobus tantum qui enim obequitantem ac singulos hortantem comitabantur, interfectus est. Caeterum incruentum pene Francis hoc bellum fuit, et prosperrimum exitum habuit, tametsi diutius magnitudine sui traheretur.

14. Post quod et Saxonicum suae prolixitati convenientem finem accepit. Boemanicum quoque et Linonicum, quae postea exorta sunt, diu durare non potuerunt; quorum utrumque ductu Karoli iunioris celeri fine completum est. Ultimum contra Nortmannos, qui Dani vocantur, primo pyratiscam exercentes, deinde maiore classe litora Galliae atque Germaniae vastantes, bellum susceptum est. Quorum rex Godefridus adeo vana spe inflatus erat, ut sibi totius Germaniae promitteret potestatem; Frisiam quoque atque Saxoniam haud aliter atque suas provintias aestimabat; iam Abodritos, vicinos suos, in suam ditionem redegerat, iam eos sibi vectigales fecerat. Iactabat etiam, se brevi Aquasgrani, ubi regis comitatus erat, cum maximis copiis adventurum; nec dictis eius, quamvis vanissimis, omnino fides abnuebatur, quin potius putaretur tale aliquid inchoaturus, nisi festinata fuisset morte praeventus. Nam a proprio satellite interfectus, et suae vitae et belli a se inchoati finem acceleravit.

15. Haec sunt bella, quae rex potentissimus per annos 47 — tot enim annis regnaverat — in diversis terrarum partibus summa prudentia atque felicitate gessit. Quibus regnum Francorum, quod post patrem Pippinum magnum quidem et forte susceperat, ita nobiliter ampliavit, ut poene duplum illi adiecerit. Nam cum prius non amplius quam ea pars Galliae quae inter Rhenum et Ligerim, oceanumque ac mare Balearieum iacet, et pars Germaniae quae inter Saxoniam et Danubium, Hrenumque ac Salam fluvium, qui Turingos et Sorabos dividit, posita, a Francis qui orientales dicuntur incolitur, et praeter haec Alamanni atque Baioarii ad regni Francorum potestatem pertinerent, ipse per bella memorata primo Aquitaniam et Wasconiam totumque Pirinei montis iugum, et usque ad Hiberum amnem, qui apud Navarros ortus, et fertilissimos Hispaniae agros secans, sub Dertosae civitatis moenia Balearico mari miscetur; deinde Italiam totam, quae ab Augusta Praetoria usque in Calabriam inferiorem, in qua Graecorum ac Beneventanorum constat esse confinia, decies centum et eo amplius passuum milibus longitudine porrigitur; tum Saxoniam, quae quidem Germaniae pars non modica est, et eius quae a Francis incolitur, duplum in lato habere putatur, cum ei longitudine possit esse consimilis; post quam utramque Pannoniam, et adpositam in altera Danubii ripa Datiam, Histriam quoque et Liburniam atque Dalmatiam, exceptis maritimis civitatibus, quas ob amicitiam et iunctum cum eo foedus Constantinopolitanum imperatorem habere permisit; deinde omnes barbaras ac feras nationes, quae inter Renum ac Visulam²⁸ fluvios, oceanumque ac Danubium

28) Vistula, quae et anno 1251 in Iure municipali Culmensi *Wizele* et *Wizzele* audit.

positae, lingua quidem paene similes, moribus vero atque habitu valde dissimiles, Germaniam incolunt, ita perdomuit, ut eas tributarias efficeret. Inter quas fere praecipuae sunt Welatabi, Sorabi, Abodriti, Boemanni — cum his namque bello confligit —; caeteras, quarum multo maior est numerus, in deditionem suscepit.

16. Auxit etiam gloriam regni sui quibusdam regibus ac gentibus per amicitiam sibi conciliatis. Adeo namque Hadeфонsum, Gallitiae atque Asturicae regem, sibi societate devinxit, ut his²⁹, cum ad eum vel litteras vel legatos mitteret, non aliter se apud illum quam proprium suum appellari iuberet. Scotorum quoque reges sic habuit ad suam voluntatem per munificentiam inclinatos, ut eum numquam aliter nisi dominum, seque subditos et servos eius, pronuntiarent. Extant epistolae ab eis ad illum missae, quibus huiusmodi affectus eorum erga illum indicatur. Cum Aaron, rege Persarum, qui excepta India totum pene tenebat Orientem, talem habuit in amicitia concordiam, ut his²⁹ gratiam eius omnium qui in toto orbe terrarum erant regum ac principum amicitiae praepo-neret, solumque illum honore ac munificentia sibi colendum iudicaret; ac proinde, cum legati eius, quos cum donariis ad sacratissimum domini ac Salvatoris nostri sepulchrum locumque resurrectionis miserat, ad eum venissent, et ei domini sui voluntatem indicassent, non solum quae petebantur fieri permisit, sed etiam sacrum illum et salutarem locum, ut illius potestati adscriberetur, concessit; et revertentibus legatis suos adiungens, inter vestes et aromata, et ceteras orientalium terrarum opes, ingentia illi dona direxit, cum ei ante paucos annos eum, quem tunc solum habebat, roganti mitteret

29) i. e. is.

elefantum. Imperatores etiam Constantinopolitani, Niciforus, Michael et Leo, ultro amicitiam ac societatem eius expetentes, complures ad eum misere legatos. Cum quibus tamen propter susceptum a se imperatoris nomen et ob hoc eis, quasi qui imperium eis eripere vellet, valde suspectum, fœdus firmissimum statuit, ut nulla inter partes cuiuslibet scandali remaneret occasio. Erat enim semper Romanis et Graecis Francorum suspecta potentia, unde et illud Graecum extat proverbium: *TON³⁰ ΦΠΑΝΚΟΝ ΦΛΑΟΝ ΕΧΙΕ, ΓΙΤΟΝΑ ΟΥΚ ΕΧΙΕ.*

17. Qui cum tantus in ampliando regno et subigendis exteris nationibus existeret, et in eiusmodi occupationibus assidue versaretur, opera tamen plurima ad regni decorem et commoditatem pertinentia diversis in locis inchoavit, quaedam etiam consummavit. Inter quae praecipua fere non immerito videri possunt basilica sanctae Dei genitricis Aquisgrani opere mirabili constructa, et pons apud Mogontiacum in Reno quingentorum passuum longitudinis — nam tanta est ibi fluminis latitudo. Qui tamen uno antequam decederet anno incendio conflagravit, nec refici potuit propter festinatum illius decessum, quanquam in ea meditatione esset, ut pro ligneo lapideum restitueret. Inchoavit et palatia operis egregii, unum haud longe a Mogontiaci civitate, iuxta villam cuius vocabulum est Engilenheim, alterum Noviomagi super Vahalem fluvium, qui Batavorum insulam a parte meridiana praeterfluit. Praecipue tamen aedes sacras³¹, ubicunque in toto regno suo vetustate conlapsas comperit, pontificibus et patribus ad quorum curam

30) i. e. Francum amicum habeas, vicinum non habeas. Graecum *εὐ* et *η* ab Einharde i legi solitum, apparet. 31) cf. Suet. Aug. c. 30.

pertinebant, et restaurarentur, imperavit, adhibens curam per legatos, ut imperata perficerent³². Molitus est et classem contra bellum Nordmannicum, aedificatis ad hoc navibus iuxta flumina, quae et de Gallia et de Germania septentrionalem influunt oceanum; et quia Nortmanni Gallicum litus atque Germanicum assidua infestatione vastabant, per omnes portus et hostia³³ fluminum, quæ naves recipi posse videbantur, stationibus et excubiis dispositis, ne qua hostis exire potuisset, tali munitione prohibuit. Fecit idem a parte meridiana in littore provinciae Narbonensis ac Septimaniae, toto etiam Italiae littore usque Romam, contra Mauros nuper pyriticam exercere adgressos; ac per hoc nullo gravi dampno vel Italia a Mauris, vel Gallia atque Germania a Nordmannis diebus suis affecta est, praeter quod Centumcellae, civitas Etruriae, per prodicionem a Mauris capta atque vastata est, et in Frisia quaedam insulae Germanico littori contiguae a Nordmannis depraedatae sunt.

18. Talem³⁴ eum in tuendo et ampliando simulque ornando regno fuisse constat. Cuius animi dotes, et summam in qualicumque, et prospero et adverso, eventu mirari liceat constantiam. Ceteraque ad interiorem atque domesticam vitam pertinentia iam ab hinc dicere exordiar.

Post mortem patris cum fratre regnum partitus, tanta patientia simultates et invidiam eius tulit, ut omnibus mirum videretur, quod ne ad iracundiam quidem ab eo provocari potuisset. Deinde cum matris hortatu filiam Desiderii, regis Langobardorum, duxisset uxorem, incertum qua de causa, post annum eam repudiavit, et Hildegardem de gente Suavorum, praecipuae nobilitatis feminam,

32) cf. Capitulare ad Salz anno 803. c. 1. et Capit. Aquigranense a. 807. c. 7. Mon. Germ. Legg. T. I. p. 123. 149.

33) i. e. ostia. 34) cf. Suet. Aug. c. 61.

in matrimonium accepit, de qua tres filios, Karolum videlicet et Pippinum et Ludowicum, totidemque filias, Hruodrudem et Bertham et Gislami, genuit. Habuit et alias tres filias, Theoderadam et Hiltrudem et Ruodhaidem, duas de Fastrada uxore, quae de orientalium Francorum, Germanorum videlicet, gente erat, tertiam de concubina quadam, cuius nomen modo memoriae non occurrit. Defuncta Fastrada, Liudgardam Alamannam duxit, de qua nihil liberorum tulit. Post cuius mortem tres habuit concubinas, Gersuindam Saxonici generis, de qua ei filia nomen Adaltrud nata est, et Reginam, quae ei Drogonem et Hugum genuit, et Adalindem, ex qua Theodricum procreavit. Mater quoque eius Berthrada in magno apud eum honore consenuit. Colebat enim eam cum summa reverentia, ita ut nulla umquam invicem sit exorta discordia, praeter in divortio filiae Desiderii regis, quam illa suadente acceperat. Decessit tandem post mortem Hildegardae, cum iam tres nepotes suos totidemque neptes in filii domo vidisset; quam ille in eadem basilica qua pater situs est, apud sanctum Dionisium, magno cum honore fecit humari. Erat ei unica soror, nomine Gisla, a puellaribus annis religiosae conversationi mancipata, quam similiter ut matrem magna coluit pietate; quae etiam, paucis ante obitum illius annis, in eo quo conversata est monasterio decessit.

19. Liberos suos ita censuit instituendos, ut tam filii quam filiae primo liberalibus studiis, quibus et ipse operam dabat, erudirentur. Tum filios, cum primum aetas patiebatur, more Francorum equitare, armis ac venatibus exerceri fecit, filias³⁵ vero lanificio adsuescere, coloque ac fuso, ne per otium torperent, operam impendere, atque ad om-

35) cf. Suet. Aug. c. 64.

nem honestatem erudiri iussit. Ex his omnibus duos tantum filios et unam filiam, priusquam moreretur, amisit, Karolum, qui maior natu erat, et Pippinum, quem regem Italiae praefecerat, et Hruodrudem, quae filiarum eius primogenita, et a Constantino, Graecorum imperatore, desponsata erat. Quorum Pippinus unum filium suum Bernhardum, filias autem quinque, Adálhaidem, Atulam, Guntradam, Berthaidem, ac Theoderadam, superstites reliquit. In quibus rex pietatis suae praecipuum documentum ostendit, cum, filio defuncto, nepotem patri succedere, et neptes inter filias suas educari fecisset. Mortes filiorum ac filiae, pro magnanimitate qua excelebat, nimis patienter³⁶ tulit, pietate videlicet, qua non minus insignis erat, compulsus ad lacrimas. Nuntiato etiam sibi Adriani Romani pontificis obitu, quem in amicis praecipuum habebat, sic flevit, ut filium aut si fratrem amisisset carissimum. Erat enim in amicitiiis optime temperatus, ut eas et facile admitteret³⁷ et constantissime retineret, colebatque sanctissime quoscumque hac adfinitate sibi coniunxerat. Filiorum ac filiarum tantam in educando curam habuit, ut numquam domi positus sine ipsis caenaret³⁸, numquam iter sine illis ageret: adeque tabant ei filii, filiae vero pene sequebantur, quarum agmen extremum ex satellitum numero ad hoc ordinati tuebantur. Quæ cum pulcherrimae essent et ab eo plurimum diligerentur, mirum dictu, quod nullam earum cuiquam aut suorum aut exterorum nuptum dare voluit; sed omnes secum usque ad obitum suum in domo sua retinuit, dicens, se earum contubernio carere non posse. Ac propter hoc, licet alias felix, adversae fortunae malignitatem expertus est; quod tamen ita dissimulavit, ac

36) cf. Suet. Aug. c. 65.
ibid. c. 64.

37) cf. ibid. c. 66.

38) cf.

si de eis nulla umquam alicuius probri suspicio exorta, vel fama dispersa fuisset³⁹.

20. Erat ei filius nomine Pippinus, ex concubina⁴⁰ editus, cuius inter caeteros facere mentionem distuli; facie quidem pulcher, sed gibbo deformis. Is cum pater, bello contra Hunos suscepto, in Baioaria hyemaret, aegritudine simulata, cum quibusdam e primoribus Francorum, qui eum vana regni promissione inlexerant, adversus patrem coniuravit. Quem post fraudem detectam et dampnationem coniuratorum detonsum in coenobio Prumia religiosae vitae, iamque volentem, vacare permisit. Facta est et alia prius contra eum in Germania valida coniuratio, cuius auctores partim luminibus orbati, partim membris incolumes, omnes tamen exilio deportati sunt; neque ullus ex eis est interfectus, nisi tres tantum, qui, cum se, ne comprehenderentur, strictis gladiis defenderent, aliquos etiam occidissent, quia aliter coerceri non poterant, interempti sunt. Harum tamen coniurationum Fastradae reginae crudelitas causa et origo extitisse creditur, et idcirco in ambabus contra regem conspiratum est, quia uxoris crudelitati consentiens, a suae naturae benignitate ac solita mansuetudine immaniter exorbitasse videbatur. Ceterum per omne vitae suae tempus ita cum summo omnium amore atque favore et domi et foris conversatus est, ut numquam ei vel minima iniustae crudelitatis nota a quoquam fuisset obiecta.

21. Amabat peregrinos, et in eis suscipiendis magnam habebat curam, adeo ut plerumque eorum multitudo non solum palatio, verum etiam regno

39) Hruothrudem Hludowicum abbatem S. Dionysii, Bertham Angilberto filios genuisse, constat. Cf. Vitam Hludovici Pii. 40) Himiltrude, Ann. Lauriss. min. T. I. p. 119, 2. Pro legitima eam habuisse videtur Stephanus III. papa, in epistola 45. codicis Carolini.

non inmerito videretur onerosa. Ipse tamen prae magnitudine animi huiuscemodi pondere minime gravabatur, cum etiam ingentia incommoda laude liberalitatis ac bonae famae mercede compensaret.

22. Corpore⁴¹ fuit amplo atque robusto, statura eminenti, quae tamen iustam non excederet — nam septem suorum pedum proceritatem eius constat habuisse mensuram — apice capitis rotundo, oculis praegrandibus ac vegetis, naso paululum mediocritatem excedenti, canitie pulchra⁴², facie laeta et hilari. Unde formae auctoritas⁴³ ac dignitas tam stanti quam sedenti plurima acquirebatur, quamquam cervix obesa et brevior⁴⁴, venterque proiectior⁴⁵ videretur: tamen haec caeterorum membrorum celabat aequalitas⁴⁶. Incessu firmo, totaque corporis habitudine virili, voce clara quidem, sed quae minus corporis formae conveniret; valitudine prospera⁴⁷, praeter quod, antequam decederet, per quatuor annos crebro febribus corripiebatur, ad extremum etiam uno pede claudicaret⁴⁸. Et tunc quidem plura suo arbitratu quam medicorum consilio faciebat, quos pene exosos habebat, quod ei in cibis assa, quibus assuetus erat, dimittere, et elixis adsuescere suadebant. Exercebatur assidue equitando⁴⁹ ac venando, quod illi gentilicium erat; quia vix ulla in terris natio invenitur, quae in hac arte Francis possit aequari. Delectabatur etiam vaporibus aquarum naturaliter calentium, frequenti natatu corpus exercens, cuius adeo peritus fuit, ut nullus ei iuste valeat anteferri. Ob hoc etiam Aquisgrani regiam extruxit, ibique extremis vitae annis usque ad obitum perpetim

41) cf. Suet. Tiber. c. 68. Aug. 79. Calig. 50. 42) cf. Suet. Claud. c. 30. 43) ibid. 44) Suet. Nerón. c. 51. 45) Suet. Tit. c. 3. 46) cf. Suet. Aug. c. 79. 47) cf. Suet. Claud. c. 31. 48) cf. Suet. Aug. c. 80. 49) Suet. Tit. c. 3.

habitavit. Et non solum filios ad balneum, verum optimates et amicos, aliquando etiam satellitum et custodum corporis turbam, invitavit, ita ut nonnumquam centum vel eo amplius homines una lavarentur⁵⁰.

23. Vestitu⁵¹ patrio, id est francisco⁵², utebatur. Ad corpus camisam⁵³ lineam et feminalibus lineis induebatur; deinde tunicam quae limbo serico ambiebatur, et tibialia; tunc fasciolis crura, et pedes caltiamenti constringebat, et ex pellibus lutrinis et murinis⁵⁴ thorace confecto humeros ac pectus hyeme muniebat; sago veneto amictus, et gladio semper accinctus, cuius capulus ac balteus aut aureus aut argenteus erat. Aliquoties et gemmato ense utebatur, quod tamen non nisi in praecipuis festivitatis, vel si quando exterarum gentium legati venissent. Peregrina vero indumenta, quamvis pulcherrima, respuebat, nec umquam eis indui patiebatur, excepto quod Romae semel, Adriano pontifice petente, et iterum Leone successore eius supplicante, longa tunica et clamide amictus, calceis quoque Romano more formatis induebatur. In festivitatis veste auro texta et calciamenti gemmatis, et fibula aurea sagum adstringente, diademate quoque ex auro et gemmis ornatus incedebat; aliis autem diebus habitus eius parum a communi et plebeio abhorrebat.

24. In cibo⁵⁵ et potu temperans, sed in potu temperantior, quippe qui ebrietatem in qualicumque homine, nedum in se ac suis, plurimum abhominabatur. Cibo enim non adeo abstinere poterat, ut saepe quereretur, noxia corpori suo esse ieiunia. Convivabatur⁵⁶ rarissime, et hoc praeci-

50) cf. Suet. Tit. c. 8.

51) cf. Suet. Aug. 82. et Calig.

52. 52) cf. Monachum Sangallensem de gestis Karoli I.

34. 53) gallice *chemise*.

54) pellibus ermineae vel zibelinae.

55) Suet. Aug. c. 76.

56) ibid. c. 74.

puis tantum festivitibus, tunc tamen cum magno hominum numero. Caena⁵⁷ cotidiana quaternis tantum ferculis praebebatur, praeter assam, quam venatores veribus inferre solebant, qua ille libentius quam ullo alio cibo vescebatur. Inter caenandum aut aliquod acroama⁵⁸ aut lectorem audiebat. Legebantur ei historiae et antiquorum res gestae. Delectabatur et libris sancti Augustini, praecipueque his qui de civitate Dei praetitulati sunt. Vini⁵⁹ et omnis potus adeo parcus in bibendo erat, ut super caenam raro plus quam ter biberet. Aestate post⁶⁰ cibum meridianum pomorum aliquid sumens, ac semel bibens, depositis vestibus et calciamentis, velut noctu solitus erat, duabus aut tribus horis quiescebat. Noctibus⁶¹ sic dormiebat, ut somnum quater aut quinquies non solum expergiscendo, sed etiam deresurgendo interrumpere. Cum⁶² calciaretur aut amicaretur, non tantum amicos admittebat, verum etiam, si comes palatii litem aliquam esse diceret quae sine eius iussu definiri non posset, statim litigantes introducere iussit, et velut pro tribunali sederet, lite cognita sententiam dixit; nec hoc tantum eo tempore, sed etiam, ea die quicquid cuiuslibet officii agendum aut cuiquam ministrorum iniungendum erat, expediebat.

25. Erat⁶³ eloquentia copiosus et exuberans, poteratque, quicquid vellet, apertissime exprimere. Nec patrio tantum sermone contentus, etiam peregrinis linguis ediscendis operam impendit; in quibus Latinam ita didicit, ut aequae illa ac patria lingua orare⁶⁴ sit solitus; Graecam vero melius intelligere quam pronuntiare poterat⁶⁵. Adeo quidem facundus erat, ut etiam didascalus appareret.

57) *ibid.* 58) *ibid.* c. 74. *Vespas.* c. 19. 59) *Suet.* *Aug.* c. 77. 60) *Suet.* *Aug.* c. 78. 61) *ibid.* 62) *cf.* *Suet.* *Vespas.* c. 21. 63) *cf.* *Suet.* *Aug.* c. 84. 64) *Suet.* *Tit.* c. 3. 65) *Suet.* *Aug.* c. 89.

Artes⁶⁷ liberales studiosissime coluit, earumque doctores plurimum veneratus, magnis adiciebat honoribus. In discenda grammatica Petrum Pisanum, diaconum, senem audivit, in caeteris disciplinis Albinum cognomento Alcoinum, item diaconem, de Brittainia, Saxonici generis hominem, virum undecumque doctissimum, praeceptorem habuit; apud quem et rethoricae et dialecticae, praecipue tamen astronomiae ediscendae, plurimum et temporis et laboris impertivit. Discebat artem computandi, et intentione sagaci syderum cursus curiosissime rimabatur. Temptabat et scribere, tabulasque et codicellos ad hoc in lecto sub cervicalibus circumferre solebat, ut, cum vacuum tempus esset, manum litteris effingendis adsuesceret; sed parum successit labor praeposterus ac sero inchoatus.

26. Religionem⁶⁸ christianam, qua ab infantia fuerat imbutus, sanctissime et cum summa pietate coluit, ac propter hoc plurimae pulchritudinis basilicam Aquisgrani extruxit, auroque et argento et luminaribus atque ex aere solido cancellis et ianuis adornavit. Ad cuius structuram cum columnas et marmora aliunde habere non posset, Roma atque Ravenna devehenda curavit. Ecclesiam et mane et vespere, item nocturnis horis et sacrificii tempore, quoad eum validudo permiserat, impigre frequentabat, curabatque magnopere, ut omnia quae in ea gerebantur, cum quam maxima fierent honestate; aedituos creberrime commonens, ne quid indecens aut sordidum aut inferri aut in ea remanere permetterent. Sacrorum vasorum ex auro et argento, vestimentorumque sacerdotalium tantam in ea copiam procuravit, ut in sacrificiis celebrandis ne ianitoribus quidem, qui ultimi aecclesiastici ordinis sunt, privato habitu ministrare necesse fu-

67) cf. Suet. Tiber. c. 70.

68) cf. Suet. Aug. c. 90. 93.

isset. Legendi atque psallendi disciplinam diligentissime emendavit. Erat enim utriusque admodum eruditus, quamquam ipse nec publice legeret, nec nisi submissim et in commune cantaret.

27. Circa pauperes sustentandos et gratuitam liberalitatem, quam Graeci elemosynam vocant, devotissimus, ut qui non in patria solum et in regno suo id facere curaverit, verum trans maria in Syriam et Aegyptum atque Africam, Hierosolimis, Alexandriae atque Carthagini, ubi christianos in paupertate vivere compererat, paenuriae illorum compatiens, pecuniam mittere solebat; ob hoc maxime transmarinorum regum amicitias expetens, ut christianis sub eorum dominatu degentibus refrigerium aliquod ac relevatio proveniret. Colebat prae ceteris sacris et venerabilibus locis apud Romam aecclesiam beati Petri apostoli, in cuius donaria magna vis pecuniae, tam in auro quam in argento, nec non et gemmis, ab illo congesta est. Multa et innumera pontificibus munera missa, neque ille toto regni sui tempore quicquam duxit antiquius⁶⁹, quam ut urbs Roma sua opera suoque labore vetere polleret auctoritate, et aecclesia sancti Petri per illum non solum tuta ac defensa, sed etiam suis opibus prae omnibus aecclesiis esset ornata atque ditata. Quam cum tanti penderet, tamen intra 47 annorum⁷⁰, quibus regnaverat, spatium quater tantum illo votorum solvendorum ac supplicandi causa profectus est⁷¹.

28. Ultimi adventus sui non solum hae fuere causae, verum etiam quod Romani Leonem pontificem, multis affectum iniuriis, erutis scilicet oculis linguaque amputata, fidem regis implorare compulerunt. Idcirco Romam veniens, propter reparandum, qui nimis conturbatus erat, ecclesiae statum ibi to-

69) cf. Suet. Vespas. c. 8.

70) annos 768 et 814 pro completis computat.

71) cf. Suet. Tiber. c. 72.

tum hiemis tempus extraxit. Quo tempore Imperatoris et Augusti nomen accepit, quod primo in tantum aversatus est, ut adfirmaret, se eo die, quamvis praecipua festivitas esset, aecclesiam non intraturum, si pontificis consilium praescire potuisset. Invidiam tamen suscepti nominis, Romanis imperatoribus super hoc indignantibus, magna tulit patientia, vicitque eorum contumaciam magnanimitate, qua eis procul dubio longe praestantior erat, mittendo ad eos crebras legationes, et in epistolis fratres eos appellando.

29. Post susceptum imperiale nomen, cum adverteret multa legibus populi sui deesse — nam Franci duas habent leges⁷², in plurimis locis valde diversas — cogitavit quae deerant addere et discrepantia unire, prava quoque ac perperam prolata corrigere; sed de his nihil aliud ab eo factum est, nisi quod pauca capitula⁷³, et ea imperfecta, legibus addidit. Omnium tamen nationum quae sub eius dominatu erant, iura quae scripta non erant⁷⁴, describere ac literis mandari fecit. Item barbara⁷⁵ et antiquissima carmina, quibus veterum regum actus et bella canebantur, scripsit memoriae mandavit. Inchoavit et grammaticam patrii sermonis. Mensibus etiam iuxta propriam linguam vocabula imposuit, cum ante id temporis apud Francos partim Latinis partim barbaris nominibus pronunciarentur. Item ventos duodecim propriis appellationibus insignivit, cum prius non amplius quam vix quatuor ventorum vocabula possent inveniri. Et de mensibus quidem Ianuarium Wintarmanoth, Februarium Hornung, Martium Lentzin-

72) legem Salicam et Ribuariorum. 73) i. e. Additamenta ad legem Salicam et ad legem Ribuariorum, a. 803. Legg. I. p. 112—117. 74) leges Saxonum, Thuringorum, et Frisionum.

75) i. e. Germanica; cf. Archiv der Gesellschaft für ältere Deutsche Geschichtskunde T. VII. pag. 1019. VIII. p. 257.

manoth, Aprilem Ostarmanoth, Maium Winnemanoth, Iunium Brachmanoth, Iulium Heuvimanoth, Augustum Aranmanoth, Septembrem Witumanoth, Octobrem Windumemanoth, Novembrem Herbigmanoth, Decembrem Heilagmanoth appellavit. Ventis vero hoc modo nomina imposuit, ut Subsolanum vocaret. Ostroniwint, Eorum Ostundroni, Euroaustum Sundostroni, Austrum Sundroni, Austroafricanum Sundwestroni, Africanum Westundroni, Zephyrum Westroni, Chorum Westnordroni, Circium Nordwestroni, Septentrionem Nordroni, Aquilonem Nordostroni, Vulturum Ostnordroni.

30. Extremo vitae tempore, cum iam et morbo et senectute premeretur, vocatum ad se Hludovicum filium, Aquitaniae regem, qui solus filiorum Hildegardae supererat, congregatis sollempniter de toto regno Francorum primoribus, cunctorum consilio consortem sibi totius regni et imperialis nominis heredem constituit, impositoque capiti eius diademate, Imperatorem et Augustum iussit appellari. Susceptum est hoc eius consilium ab omnibus qui aderant magno cum favore; nam divinitus ei propter regni utilitatem videbatur inspiratum; auxitque maiestatem eius hoc factum, et exteris nationibus non minimum terroris incussit. Dimisso deinde in Aquitaniam filio, ipse more solito, quamvis senectute confectus, non longe a regia Aquensi venatum proficiscitur, exactoque in huiusmodi negotio quod reliquum erat autumnii, circa Kalendas Novembris Aquasgrani revertitur. Cumque ibi hyemaret, mense Ianuario, febre valida correptus, decubuit. Qui statim, ut in febribus solebat, cibi sibi abstinentiam indixit, arbitratus hac continentia morbum posse depelli vel certe mitigari; sed accedente ad febrem lateris dolore, quem Graeci pleuresin dicunt, illoque adhuc inedia retinente, neque corpus aliter quam rarissimo potu susten-

tante, septimo postquam decubuit die, sacra communione percepta, decessit, anno aetatis suae septuagesimo secundo, et ex quo regnare coeperat, quadragesimo septimo, 5. Kalendas Februarii, hora diei tertia.

31. Corpus more sollempni lotum et curatum, et maximo totius populi luctu aecclesiae inlatum atque humatum est. Dubitatum est primo, ubi reponi deberet, eo quod ipse vivus de hoc nihil praecepisset; tandem omnium animis sedit, nusquam eum honestius tumulari posse, quam in ea basilica, quam ipse propter amorem Dei et domini nostri Iesu Christi, et ob honorem sanctae et aeternae Virginis, genitricis eius, proprio sumptu in eodem vico construxit. In hac sepultus est, eadem die qua defunctus est, arcusque supra tumulum deauratus cum imagine et titulo exstructus. Titulus ille hoc modo descriptus est: SUB HOC CONDITORIO SITUM EST CORPUS KAROLI MAGNI ATQUE ORTHODOXI IMPERATORIS. QUI REGNUM FRANCORUM NOBILITER AMPLIAVIT ET PER ANNOS XLVII FELICITER REXIT. DECESSIT SEPTUAGENARIUS ANNO DOMINI DCCCº. XIIIº. INDITIONE VII. V. KAL. FEBR.

32. Appropinquantis finis complura fuere praesagia⁷⁶, ut non solum alii, sed etiam ipse hoc minitari sentiret. Per tres continuos vitaeque termino proximos annos et solis et lunae creberrima defectio, et in sole macula quaedam atrii coloris septem dierum spatio visa⁷⁷. Porticus, quam inter basilicam et regiam operosa mole construxerat, die ascensionis Domini subita ruina usque ad fundamenta conlapsa. Item pons Hreni apud Magoniacum, quem ipse per decem annos ingenti labore et opere mirabili de ligno ita construxit, ut perhenniter durare posse videretur, ita tribus horis

76) cf. Suet. Aug. c. 97. 77) Mercurium fuisse ipse Eihardus in Annalib. a. 807 refert; hic vero Suetonium imitatus, rem ut prodigium potius effingit.

fortuitu incendio conflagravit, ut, praeter quod aqua tegebatur, ne una quidem hastula ex eo remaneret. Ipse quoque cum ultimam in Saxoniam expeditionem contra Godofridum, regem Danorum, ageret, quadam die, cum ante exortum solis castris egressus, iter agere coepisset, vidit repente delapsam caelitus cum ingenti lumine facem a dextra in sinistram per serenum aera transcurrere, cunctisque hoc signum, quid portenderet, admirantibus, subito equus quem⁷⁸ sedebat, capite deorsum merso decedit, eumque tam graviter ad terram elisit, ut fibula sagi rupta balteoque gladii dissipato, a festinantibus qui aderant ministris exarmatus, non sine amminiculo, levaretur. Iaculum etiam quod tunc forte manu tenebat, ita elapsum est, ut viginti vel eo amplius pedum spacio longe iaceret. Accessit ad hoc creber Aquensis palatii tremor, et in domibus ubi conversabatur assiduus laqueariorum crepitus; tacta etiam de coelo, in qua postea sepultus est, basilica, malumque aureum, quo tecti culmen erat ornatum, ictu fulminis dissipatum et supra domum pontificis, quae basilicae contigua erat, proiectum est. Erat in eadem basilica in margine coronae, quae inter superiores et inferiores arcus interiorem aedis partem ambiebat, epigramma sinôpide⁷⁹ scriptum, continens quis auctor esset eiusdem templi, cuius in extremo versu legebatur: KAROLUS PRINCEPS. Notatum est a quibusdam, eodem quo decessit anno paucis ante mortem mensibus, eas quae PRINCEPS exprimebant litteras, ita esse deletas⁸⁰, ut penitus non appare-

78) „*de equo quem sedebat, cum velocitate descendens.*“ Vita S. Wandregiseli saec. VII. cap. 7. in Mabill. Actis O. S. B. Saec. II. p. 528. „*Quia expeditum equum sidebat.*“ Chronicon Salernitanum in Monum. Germ. SS. T. IV. et Ermoldi Nigelli l. III. v. 565 et 596. 79) colore rubro. 80) cf. Suet. Aug. c. 97.

rent. Sed superiora omnia sic aut dissimulavit aut sprexit, ac si nihil horum ad res suas quolibet modo pertineret.

33. Testamenta⁸¹ facere instituit, quibus filias et ex concubinis liberos ex aliqua parte sibi heredes faceret, sed tarde inchoata, perfici non poterant. Divisionem tamen thesaurorum et pecuniae ac vestium aliaeque suppellectilis coram amicis et ministris suis, annis tribus antequam decederet, fecit, contestatus eos, ut post obitum suum a se facta distributio per illorum suffragium rata permaneret; quidque ex his quae diviserat fieri vellet, breviario comprehendit, cuius ratio ac textus talis est: *IN NOMINE DOMINI DEI OMNIPOTENTIS PATRIS ET FILII ET SPIRITUS SANCTI. Descriptio atque divisio, quae facta est a gloriosissimo atque piissimo domno, Karolo imperatore augusto, anno ab incarnatione domini nostri Iesu Christi 811, anno vero regni eius in Francia 43, et in Italia 37, imperii autem 11, inditione 4; quam pia et prudenti consideratione facere decrevit, et Domino annuente perfecit, de thesauris suis atque pecunia, quae in illa die in camera eius inventa est. In qua illud praecipue praecavere voluit, ut non solum elemosinarum largitio, quae sollempniter apud christianos de possessionibus eorum agitur, pro se quoque de sua pecunia ordine atque ratione perficeretur, sed etiam, ut heredes sui, omni ambiguitate remota, quid ad se pertinere deberet, liquido cognoscere et sine lite atque contentione sua inter se competenti partitione dividere potuissent. Hac igitur intentione atque proposito omnem substantiam atque suppellectilem suam, quae in auro et argento gemmisque et ornatu regio in illa, ut dictum est, die in camera eius poterat inveniri, primo quidem trina divisione partitus est, deinde easdem partes subdividendo, de duabus parti-*
81) cf. Suet. Aug. c. 101.

bus 20 et unam partem fecit, tertiam integram reservavit. Et duarum quidem partium in 20 et unam partem facta divisio tali ratione consistit, ut quia in regno illius metropolitanae civitates 20 et una esse noscuntur, unaquaeque illarum partium ad unamquamque metropolim per manus heredum et amicorum suorum elemosinae nomine perveniat, et archiepiscopus qui tunc illius aecclesiae rector exstiterit, partem quae ad suam aecclesiam data est suscipiens, cum suis suffraganeis partiatur, eo scilicet modo, ut pars tertia suae sit ecclesiae, duae vero partes inter suffraganeos dividantur. Harum divisionum, quae ex duabus primis partibus factae sunt, et iuxta metropoleorum civitatum numerum 20 et una esse noscuntur, unaquaeque ab altera sequestrata, semotim in suo repositoio cum superscriptione civitatis ad quam perferenda est, recondita iacet. Nomina metropoleorum, ad quas eadem elemosina sive largitio facienda est, haec sunt: Roma, Ravenna, Mediolanum, Forum Iulii, Gradus, Colonia, Mogontiacus, Iuvavum quae et Salzburg, Treveris, Senones, Vesontio, Lugdunum, Rotomagus, Remis, Arelas, Vienna, Darantasia, Ebrodunum, Burdigala, Turones, Bituriges. Unius autem partis quam integram reservari voluit, talis est ratio, ut illis duabus in supradictas divisiones distributis et sub sigillo reconditis, haec tertia in usu cotidiano versaretur, velut res quam nulla voti obligatione a dominio possidentis alienatam esse constaret, et hoc tandiu, quoadusque vel ille mansisset in corpore, vel usum eius sibi necessarium iudicaret. Post obitum vero suum aut voluntariam saecularium rerum carentiam, eadem pars quatuor subdivisionibus secaretur, et una quidem earum supradictis 20 et una partibus adderetur, altera a filiis ac filiabus suis, filiisque ac filiabus filiorum suorum adsumpta, iusta et rationabili inter eos partitione divideretur; tertia vero consueto

christianis more in usum pauperum fuisset erogata; quarta simili modo nomine elemosinae in servorum et ancillarum usibus palatii famulantium sustentationem distributa veniret. Ad hanc tertiam totius summae portionem, quae similiter ut ceterae ex auro et argento constat, adiungi voluit omnia ex aere et ferro aliisque metallis vasa atque utensilia cum armis et vestibus aliisque, aut pretioso aut vili, ad varios usus facto suppellectili, ut sunt cortinae⁸², stragula, tapetia, filtra⁸³, coria, sagmata⁸⁴, et quicquid in camera atque vestiario eius eo die fuisset inventum, ut ex hoc maiores illius partis divisiones fierent, et erogatio elemosinae ad plures pervenire potuisset. Capellam, id est aecclesiasticum ministerium, tam id quod ipse fecit atque congregavit, quam quod ad eum ex paterna hereditate pervenit, ut integrum esset, neque ulla divisione scinderetur, ordinavit. Si qua autem invenirentur aut vasa aut libri aut alia ornamenta, quae liquido constaret eidem capellae ab eo conlata non fuisse, haec qui habere vellet, dato iustae aestimationis praetio, emeret et haberet. Similiter et de libris, quorum magnam in bibliotheca sua copiam congregavit, statuit, ut ab his qui eos habere vellent, iusto pretio fuissent redempti, praetiumque in pauperibus erogatum. Inter caeteros thesauros atque pecunias tres mensas argenteas et auream unam praecipuae magnitudinis et ponderis esse constat. De quibus statuit atque decrevit, ut una ex his, quae forma quadrangula, descriptionem urbis Constantinopolitanae continet, inter cetera donaria quae ad hoc deputata sunt, Romam ad basilicam beati Petri apostoli deferatur, et altera, quae forma rotunda, Romanae urbis effigie decorata est, episcopo Ravennatis aecclesiae confere-

82) vela, *gardenen* germanice. 83) panni lanei genus, *filz* germanice. 84) sagmata sunt sellae, sellae impositae sarcinae, tum vasa.

tur. Tertiam⁸⁵, quae ceteris et operis pulchritudine et ponderis gravitate multum excellit, quae ex tribus orbibus conexas, totius mundi descriptionem subtili ac minuta figuratione complectitur, et auream illam, quae quarta esse dicta est, inter heredes suos atque in elemosinam dividendae partis augmentum esse constituit. Hanc constitutionem atque ordinationem coram episcopis, abbatibus, comitibusque, qui tunc praesentes esse potuerunt, quorumque hic nomina descripta sunt, fecit atque constituit. Episcopi: Hildebaldus⁸⁶, Ricolfus⁸⁷, Arno⁸⁸, Wolfarius⁸⁹, Bernoin⁹⁰, Laidradus⁹¹, Iohannes⁹², Theodulfus⁹³, Iesse⁹⁴, Heito⁹⁵, Waltgaudus⁹⁶. Abbates: Fredugisus⁹⁷, Adalung⁹⁸, Engelbertus⁹⁹, Irmino¹. Comites: Walacho², Meginherus, Otulfus, Stephanus, Unruochus, Burchardus, Meginhardus, Hatto, Rihwinus, Edo, Ercangarius, Geroldus, Bero, Hildigerus, Roculfus.

Haec omnia filius eius Hluduicus, qui divina ei iussione successit, inspecto eodem breviario, quam celerrime poterat, post obitum eius summa cum devotione adimplere curavit.

EXPLICIT.

85) de fatiis eius cf. Thegani cap. 8. et Ann. Bertin. a. 842.
 86) Coloniensis. 87) Moguntinus. 88) Salzburgensis.
 89) Remensis. 90) Vesontiensis. 91) Lugdunensis. 92) Arelatensis.
 93) Aurelianensis. 94) Ambianensis. 95) Basileensis.
 96) Leodiensis. 97) S. Bertini. 98) S. Vedasti.
 99) Centulensis. 1) S. Germani. 2) postea Corbeiensis abbas.

CARMEN DE PIPPINI REGIS VICTORIA AVARICA A. 796.

ex cod. regio Berolinensi.

Omnes gentes quas fecisti
 Tu Christe, Dei sobules,
 Terras fontes rivos montes
 Et formasti hominem;
 Avars quos convertistis
 Ultimis temporibus,

Multa mala iam fecerunt
 Ab antico tempore,
 Fana Dei dextruxerunt
 Atque monasteria,
 Vasa aurea sacrata,
 Argentea, fictilia.

Vestem sanctam polluerunt
 De ara sacratissima,
 Linteamina levitae
 Et sanctaemonialium
 Muliebribus traditam¹
 Suadente demone.

Misit Deus Petrum sanctum,
 Principem apostolum,
 In auxilium Pippini,

Magni regis filium,
 Ut viam eius comitaret
 Et Francorum aciem.

Rex accintus Dei virtute
 Pippinus, rex catholicus,
 Castra figit super flumen
 Albim² Danubium³
 Hostibus accingens totum
 Undique praesidia.

Unguimeri satis pavens
 Avarorum genere,
 Regi dicens satis forte:
Tu Cacane perdit!
 Atque Catunae mulieri
 Maledictae coniugi:

Regna vestra consumata⁵!
Ultro non regnavitis⁶;
Regna vestra diu longa
Cristianis tradita,
A Pippino demolita⁷
Principe catholico!

1) i. e. vestem sanctam et linteamina mulieribus tradiderunt Avars.
 2) *albi* addita linea atramento quo et ultima carminis verba scripta sunt; linea aut *m* significat aut voces *albi danubium* separat. 3) lege *albidum Danubium*. 5) i. e. consummata. 6) i. e. regnabitis.
 7) i. e. demolita.

*Adpropinquat rex Pippinus
Cum forti exercitu,
Fines tuos occuparet⁸,
Depopularet populum,
Montes silvas⁹ atque colles
Poneret presidia.*

*Tolle cito, porta tecum
Copiosa munera,
Exceptrum¹⁰ regis adorare ut
Paululum possis vivere,
Aurum gemmas illi offert¹¹
Nec te¹² tradat funeri!*

*Audiens Cakanus rex¹³
Undique perterritus,
Protinus ascendens mulam,
Cum Tarcanis primatibus
Regem venit adorare¹⁴
Et plagaret¹⁵ munere;*

*Regi dicens: Salve princeps!
Esto noster dominus:
Regnum meum tibi trado
Cum festucis et foliis,
Silvas montes atque colles
Cum omnibus nascentiis.*

*Tolle tecum proles nostras,
Parent tibi obsequia;*

*De primatibus nec parcas,
Terga verte aciem¹⁶;
Colla nostra, proles nostras
Dicioni tradimus! —*

*Nos fideles cristiani
Deo agamus gratiam,
Qui regnum regis confirmavit
Super regnum Uniae¹⁷
Et victoriam donavit¹⁸,
De paganis gentibus.*

*Vivat, vivat rex Pippinus
In timore Domini!
Avus regnet et senescat
Et procreet filios,
Qui palatia conservet
In vita et post obitum:*

*Qui conclusit regnum crande¹⁹
Amplum potentissimum,
Quae regna terrae non fecerunt
Usque ad diem actenus,
Neque Cesar et pagani²⁰,
Sed divina gratia.*

*Gloria aeterna Patri,
Gloria sit Filio!*

8) i. e. occupare. 9) siluis corr. siluas. 10) i. e. sceptrum ... adora.
11) lege offer. 12) ne te. 13) suppl. haec. 14) adoraret corr. adorare.
15) i. e. placare. 16) lege terga vertere acie. 17) i. e. Huniae.
18) illi alio argumento additur. 19) i. e. grande. 20) i. e. Romanorum imperatores et ipsi Romani.

VERSUS PAULINI DE HERICO DUCE

A. 799. OCCISO

ex codd. Bernensi et Parisiensi.

Mecum Timavi saxa novem flumina
 Flete per novem fontes redundantia,
 Quae salsa gluttit unda ponti Ionici,
 Istris Sansque, Tissa, Culpa, Marua,
 Natissa, Corca, gurgites Isontii.

Hericum mihi dulce nomen plangite
 Sirmium, Polla, tellus Aquileiae,
 Iulii Forus, Cormonis rugalia¹,
 Rupes Osopi, iuga Cenetensium,
 Astensis humus ploret et Albenganus.

Nec tu cessare, de cuius confinio
 Est oriundus, urbs dives Argentea,
 Lugere multo gravique cum gemitu!
 Civem famosum perdidisti, nobile
 Germiae natum claroque de sanguine.

Barbara lingua Stratiburgus diceris;
 Olim quod nomen ammisisti celebre,
 Hoc ego tibi reddidi mellisonum,
 Amici dulcis ob amorem, qui fuit
 Lacte nutritus iuxta flumen Quirnea.

Aecclesiarum largus in donatis,
 Pauperum pater, miseris subsidium,
 Hic viduarum summa consolatio
 Erat; quam tuitis, karus sacerdotibus,
 Potens in armis, subtilis ingenio!

1) i. q. raga, platea, Gallicum *rue*, esse videtur.

Barbaras gentes domuit sevissimas,
 Cingit quas Drauva, recludit Danubius,
 Celant quas iunco paludes Meotides,
 Ponti coartat quas unda salsiflui,
 Dalmatiarum quibus obstat terminus;

Turres Stratonis, limitis principium,
 Scithiae metas Tratie qui cardinem
 A se sequestrat, utraque confinia
 Haec Austro reddit, haec refundit Boreae;
 Tendit ad portas quae dicuntur Caspiae.

Libicum² litus, quo redundant maria,
 Mons inimici Laurentus qui diceris,
 Vos super umquam imber ros nec pluvia
 Descendant, flores nec tellus purpureos
 Germinet, humus nec fructus triticeos,

Ulmus nec vitem gemmato cum pampino
 Sustentet, uvas nec in ramis pendeat,
 Frondeat ficus sicco semper stipite,
 Ferat nec rubus malagranis punica,
 Promat irsutus nec globus castaneas,

Ubi cecidit vir fortis in proelio
 Clipeo fracto, cruentata rumphea;
 Lanceae summo retunso nam iaculo,
 Sagittis fossum fundis saxa fortia
 Corpus iniecta contrivisse dicitur.

Heu me quam durum quamque triste nantium
 Illa sub die deffenda percrepuit;
 Nam clamor ante orrendus per plateas
 Lacrimis dignus sonuit, quam tristia
 Eius per verba mors esset exposita.

2) *Liburnum* legere malim; nam Liburno in litore Hericus occiderat.

Matres, mariti, pueri, iuvenulae,
Domini, servi, sexus omnis, tenera
Aetas pervalde, sacerdotum inclita
Caterva, pugnīs sauciata pectora
Crinibus vulsis ululabant pariter.

Deus aeterne, limi qui de pulvere
Plasmasti tuam primos ad imaginem
Parentes nostros, per quos omnes morimur;
Misisti tuum sed dilectum filium,
Vivimus omnes per quem mirabiliter,

Sanguine cuius redempti purpureo
Sumus, sacrati cuius carne pascimur,
Herico tuo servulo melliflua
Concede quaeso paradisi gaudia
Et nunc et ultra per immensa secula.

INCIPIT PLANCTUS KAROLI.

A. 814.

ex codd. Veronensi, Parisiensi et Bruxellensi.

A solis ortu usque ad occidua
Litora maris planctus pulsat pectora.
Heu mihi misero!

Ultra marina agmina tristitia
Tetigit ingens cum merore nimio.
Heu mihi misero!

Franci, Romani atque cuncti creduli
Luctu punguntur et magna molestia.
Heu mihi misero!

Infantes, senes, gloriosi presules,
Matronae plangunt detrimentum caesaris.
Heu mihi misero!

Iamiam non cessant lacrimarum flumina;
Nam plangit orbis interitum Karoli.
Heu mihi misero!

Pater communis orfanorum omnium,
Peregrinorum, viduarum, virginum, —
Heu mihi misero!

Christe, caelorum qui gubernas agmina,
Tuo in regno da requiem Karolo; —
Heu mihi misero!

Hoc poscunt omnes fideles et creduli,
Hoc sancti senes, viduae et virgines.
Heu mihi misero!

Imperatorem iam serenum Karolum.
Telluris tegit titulatus tumulus.

Heu mihi misero!

Spiritus sanctus, qui gubernat omnia,
Animam suam exaltet in requiem.

Heu mihi misero!

Vae tibi Roma, Romanoque populo,
Amisso summo glorioso Karolo.

Heu mihi misero!

Vae tibi sola formosa Italia,
Cunctisque tuis tam honestis urbibus.

Heu mihi misero!

Francia diras perpressa iniurias,
Nullum iam talem dolorem sustinuit, —

Heu mihi misero!

Quando augustum facundumque Karolum
In Aquisgrani globus terrae tradidit.

Heu me dolens plango!

Nox mihi dira iam retulit somnia,
Diesque clara non adduxit lumina, —

Heu me dolens plango!

Quae cuncti orbis christiano populo
Vexit ad mortem venerandum principem.

Heu me dolens plango!

O Columbane, stringe tuas lacrimas,
Precesque funde pro illo ad Dominum, —

Heu me dolens plango!

Pater cunctorum orphanorum, omnium
Peregrinorum, viduarum, virginum, —

Heu me dolens plango!

Nox non rediret, iam non tulit somnia,
Chorusque clara non adduxit lumina, —
Heu me dolens plango!

Pater commune misericors Dominus,
Ut illi donet locum splendidissimum.
Heu me dolens plango!

O Deus, cunctae humanae militiae
Atque caelorum, infernorum domine, —
Heu me dolens plango!

In sancta sede cum tuis apostolis
Suscipe pium, o tu Christe, Karolum.
Heu me dolens plango!

DE SANCTO KAROLO.

Urbs Aquensis urbs regalis*,
 Regni sedes principalis,
 Prima regum curia,
 Regi regum pange laudes,
 Qui de magni regis gaudes
 Karoli clementia.

Iste coetus
 Psallat laetus,
 Psallat chorus
 Hic sonorus
 Vocali concordia;
 At dum manus operatur
 Bonum quod cor meditatur,
 Dulcis est psalmodia.

Hac in die, die festa,
 Magni regis magna gesta
 Recolat ecclesia.
 Reges terrae et omnes populi,
 Omnes simul plaudant et singuli
 Celebri laetitia.

Hic est Christi miles fortis,
 Hic invictae dux cohortis
 Ducum sternit millia;

*) Ita primo scriptum, ideoque carmen Aquisgrani compositum esse,
 Cl. C. L. Grotefend animadvertit; codex Frankfurtensis habet:
Franckenfordensis urbs regalis.


Terram purgit lolio
 Atque metit gladio
 Ex messe zizania.

Hic est magnus imperator,
 Boni fructus bonus sator
 Et prudens agricola.
 Infideles hic convertit,
 Fana, deos hic evertit,
 Et confringit idola.


Hic superbos domat reges,
 Hic regnare sacras leges
 Fecit cum iustitia;
 Quam tuetur eo fine,
 Ut et iustus sed nec sine
 Sit misericordia.

Oleo laetitiae
 Unctus dono gratiae,
 Exteris par regibus;
 Cum corona gloriae
 Maiestatis regiae
 Insignitur fastibus.

O rex mundi triumphator,
 Iesu Christe congregator,
 Sis pro nobis exorator,
 Sancte pater Karole,
 Emundati a peccatis
 Ut in regno claritatis
 Nos plebs tua cum beatis
 Coeli simus incolae.







This book should be returned to
the Library on or before the last date
stamped below.

A fine of five cents a day is incurred
by retaining it beyond the specified
time.

Please return promptly.

DUE NOV 1 1945

DUE DEC 12 1945

~~DUE JAN 16 46~~

F

